



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 859. Usque Ad Annum 887

**Fleury, Claude**


**August. Vind. [u.a.], 1760**

**VD18 90117875**

§. 1. Epistolæ Hadriani ad Carolum Regem.

---

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)



HISTORIA  
 ECCLESIASTICA.  
 LIBER LII.

HADRIANUS II. PAPA.  
 LUDOVICUS II. IMPERATOR OCC.  
 BASILIUS IMP. ORIENT.

§. I.

*Epistolæ Hadriani ad Carolum  
 Regem.*

**H**adrianus Papa, cum comperisset, Re- Sæculum IX.  
 gem Carolum, mandatis suis infu- A.C. 870.  
 per habitis, possessionem regni Lo-  
 tharii adiiſſe, vehementer commotus a- Sup. L. LI.  
 lios miſit Legatos cum Epistolis ſex, quin- §. 25.

G g 3 to

Sæculum IX. to Cal. Julii, Indictione decima tertia,  
A. C. 870.

*Hadr. ep. 23.*

nempe 27. Junii anno octingentesimo septuagesimo datis. Prima scripta est ad ipsum Carolum, cui exprobrat, quod Legatos suos sprevisset, eisque illum honorem, quem Reges exhibere adsuevisset, non exhibuisset. Legati, de quibus hic sermo, erant Paulus & Leo, anno superiore missi. Rursus objicit, quod fidem fregisset, quam jurasset promittens, se regna fratrum suorum non usurpaturum, nempe Lotharii Imperatoris ditiones omnes, ad quas Lotharii junioris regnum, tanquam pars, utique pertineret. Tandem, quod illud eripiat Ludovico Imperatori, fratris sui defuncti hæredi legitimo, & illo tempore eripiat, quo Ludovicus contra Saracenos, Christiani nominis hostes infensissimos, pugnaret. In fine dicit: *Præcipimus tibi, affectu paterno, ut tertia hac admonitione accepta Imperatoris regnum detinere cesses. Nisi obtinueraveris, nos ipsi illo proficissemur, & quod munus nostrum est, faciemus.* Tandem Legatos suos ei commendat, videlicet Joannem & Petrum Episcopos, & Petrum Cardinalem, quibus ea referenda commiserat, quæ literis mandare noluerat. Alii quoque Episcopi hos Legatos comitabantur Wibodus & Joannes a Ludovico Imperatore missi.

*ep. 27.* Eadem Papa Episcopis in regno Caroli &

& sigillatim Hincmaro, tanquam pri-  
mam Dignitatem obtinenti scripsit. Que-  
ritur, quod Hincmarus Epistolis suis per  
Legatos priores transmissis non respon-  
didit, quam rem sine exemplo esse di-  
cit, eumque, cum Regem a consilio in-  
vadendi regnum nepotis sui revocare  
noluisset, non conscium modo, sed etiam  
injuriam auctorem haberi posse. Jubet  
deinde Hincmarum ceterosque Episco-  
pos Regem Carolum, si obedire detre-  
ctet, a sua Communionem & omni com-  
mercio excludere, si ipsi Papae Commu-  
nionem digni esse vellent. Scripsit quo-  
que Papa Epistolam ad Regni Caroli Pro-  
ceres, illi quam ad Episcopos dederat,  
per omnia similem.

Tandem datis ad Ludovicum Regem  
Germaniam, ejusque regni Episcopos li-  
teris, laudat Regis moderationem, quod  
pacem & concordiam cum Ludovico  
Imperatore conservasset, & ab injusta  
cupiditate alienus regnum Lotharii non  
expetisset. Unde patet nescivisse Pon-  
tificem Ludovici Regis consilia, quod  
paulo post videbimus. Queritur vero,  
quod Rex Episcopum Colonensem, Sa-  
cra Sede inconsulta, ordinari permiserit.  
*Cum enim, inquit, Guntharius nostro  
Judicio depositus fuerit, ei Successor no-  
bis insciis dari non debuit. Quare Or-  
dinationem istam non confirmamus, de-*

Gg 4 nec

Sæculum IX.

A. C. 870.

ep. 24. 25.

ep. 26.

ep. 27. 28.

Sæculum IX. nec ille, qui ordinatus fuit, ad nos venit  
A. C. 870. rit & in Concilio iudicatus fuerit.

## §. II.

*Archiepiscopi Trevirensis & Coloniensis.*

Ecclesiæ Trevirensis & Coloniensis jam annis sex vacabant, nempe ex quo Nicolaus Papa Theutgaudum & Guntharium anno octingentesimo sexagesimo quarto deposuerat. Theutgaudus vero Archiepiscopus Trevirensis Romæ vita excefferat, quo se cum Gunthario anno octingentesimo sexagesimo septimo contulerat, invitatus ab Arsenio Episcopo versuti ingenii viro & lucri cupido, qui ambos restitutionis spe lactaverat, ut magna dona eliceret; at Rex Carolus, Regno Lotharii occupato, Proceribus ad consilium adhibitis, Archiepiscopatum Trevirensis Bertulfo Adventii Episcopi Metensis nepoti contulit, ad Coloniensem Ecclesiam promoturus Hilduinum Abbatem, Guntharii fratrem, cui olim Lotharius junior Episcopatum Cameracensem destinaverat. Hunc in finem eundem Aquisgrani Presbyterum iussit ordinari a Francone Episcopo Tungrensi, qui ei Titulum S. Petri in civitate Coloniensi dedit.

Ludo-